

## KITOBXONLAR KONFERENSIYASI

Mambetova Ayxan Abat qizi  
Ózbekiston Davlat san'at va madaniyat instituti  
Nukus filiali 2-bosqish talabasi

**Annontatsiya:** Ushbu maqolada Prezidentimizning kutubxonashunoslik sahosisidagi 2019-yil 7-iyunda qabul qilgan PQ-4354 sonli Qaroriga asoslangan holda kitobxonlar orasida o'tkaziladigan konferensiyalar tu'rlari va tashkil etish boyicha malumotlar bayon etilgan.

**Annotation:** in this article, the president's library science Based on the resolution of PQ - 4354, adopted on June 7, 2019 according to the Tu'r and organization of conferences held among readers the information is stated.

**Kalit so'zlar:** Kitob, kitobxon, kutubxona, konferensiya.

**Keywords:** book, reader, library, conference.

Kutubxonachilik ishi sohasini tubdan o'zgartirishga asos bo'lgan O'zbekiston Respublikasi Prezidenti tomonidan 2019 yil 7 iyunda qabul qilingan " O'zbekiston Respublikasi aholisiga kutubxona - axborot xizmati ko'rsatishni yanada takomillashtirish to'g'risida"gi PQ-4354-sonli Qarorida axoliga kutubxona-axborot xizmati ko'rsatishni sifat jixatidan yanada rivojlantirish maqsadida axborot-kommunikasiya texnologiyalarining rivojlanishi va zamonaviy umumjahon tendensiyalarini hisobga olgan holda kutubxona-axborot faoliyatini tubdan isloh qilish, mavjud meyoriy xuquqiy bazani takomillashtirish, sohaning moddiy-texnika bazasini mustahkamlash, davlat-xususiy sheriklikni , xususiy va elektron (virtual) kutubxona tarmog'ini rivojlantirish, fondlarning yaxshi saqlanishini ta'minlash, tariximiz va milliy madaniyatimizga qiziqishni shakllantirish va kuchaytirish, mutolaa madaniyatini, axborot madaniyatini oshirish va targ'ib qilish asosiy vazifalar sifatida belgilab berildi.

Bu tadbir majmuaviy tadbir bo'lib, uni tayyorlash va o'tkazish jarayonida foydalanuvchilar bilan ishlashning barcha yakka va ommaviy ish usullari qo'llaniladi.

Konferensiyani tayyorlash va o'tkazish uchun 1-1,5 oy muddat ajratiladi. Barcha ishlarni reja va tartib bilan olib borish maqsadida hay'at tuzib olinadi. Hay'at tarkibiga kutubxona rahbari, xodimlari, homiylik qilishi mumkin bo'lgan tashkilot rahbarlari, ommaviy axborot vositalari vakillari, uch- to'rtta faol foydalanuvchilar kiritiladi. Konferensiya boshqaruvchining kirish so'zi bilan ochiladi. Unda muhokamaga qo'yilgan asar, hal etilishi kerak bo'lgan masalalar haqida, muallif ijodi haqida gapiradi. Keyin so'zga chiquvchilarga navbat beradi. Reja bo'yicha 7-8 foydalanuvchi so'zga chiqadi.

Konferensiyaning borishi rasmiylashtirib boriladi bu bayyonomada konferensiyaning qachon, qayerda, qaysi asar yoki muammo yuzasidan o'tkazilganligi, qancha foydalanuvchi qatnashganini, ularning fikr-mulohazalarini aks ettirib berishi lozim.

Bir kitobga bag'ishlangan konferensiyalar eng yaxshi badiiy asarlarni, ilmiy va ilmiy-ommabop, ishlab chiqarishga oid adabiyotlarni targ'ib qilish maqsadida deyarli barcha tipdagi kutubxonalar faoliyatida keng qo'llaniladi. Asarni tanlashda foydalanuvchilarni adabiyotning qaysi janri ko'proq qiziqtirishini, qaysi mavzudagi adabiyotlar ko'proq o'qilishini hisobga olish zarur. Ayrim ilmiy kutubxonalarda ilmiy, ilmiy-ommabop, ishlab-chiqarishga oid asarlar ham tanlab olinadi. Ularda ko'proq ilmiy masalalar va ularning yechimi, ishlab chiqarishdagi, ilmiy taraqqiyotdagi o'rni haqida muhokama yuritiladi.

Mavzuli konferensiyalar. Bunday konferensiyaning tayyorlash mavzuni tanlash bilan boshlanadi. Masalan: "Egasi bor yurtning ertasi bor", "Buyuk sohibqiron", kabi mavzularni olish mumkin. Mavzuli konferensiya bir mavzuga oid bir necha asarlar yuzasidan o'tkaziladi. Maqsadi bir mavzuga oid asarlarni targ'ib qilish, shu asarga nisbatan foydalanuvchilar qiziqishini shakllantirish va tarbiyalashdan iboratdir.

Bir janrga oid konferensiyalar. Biror bir adabiy janrga oid adabiyotlar muhokamasi bolalar kutubxonalarida keng tarqalgan. Uning maqsadi bir janrdagi eng yaxshi badiiy asarlarni targ'ib qilishdan iborat.

Bir muallif ijodiga bag'ishlangan konferensiyalar. Mashhur yozuvchi yoki shoirlarning, olimlarning yubileylari va tug'ilgan kunlari munosabati bilan shu muallif asarlarini targ'ib qilish maqsadida muhokamalar tashkil etiladi. Bunday konferensiyalarda imkon bo'lsa, muallifning o'zi qatnashadi. Muallif konferensiyaga boshqaruvchilik vazifasini olib borishi mumkin, muhokama yakunida muallifga so'z beriladi. Bunda muallif foydalanuvchilarning fikr-mulohazalariga o'z munosabatini bildiradi. Konferensiya jarayoni rasmiylashtirib boriladi va bayyonomada aks ettiriladi.

### **Paydalanilgan ádebiyatlar:**

1. O'zbekiston Respublikasi Prezidentining Qarori. O'zbekiston Respublikasi aholisiga axborot-kutubxona xizmati ko'rsatishni yanada takomillashtirish to'g'risida. – "Xalq so'zi" gazetasi, 2019 yil, 7 iyun
2. Z.Sh.Berdiyeva. Kutubxonashunoslik. O'quv qo'llanma. Toshkent: Ilm Ziya. 2013.-399 b.
3. Davlatov S.X, Nosirov O', Berdiyeva Z.Sh, O'rozov A.N. Kutubxonashunoslik. O'quv qo'llanma. Toshkent. 2021.-423 b.
4. Yuldashev I.J, Nosirov O'. Kutubxona – axborot xizmati :nazariyasi va amaliyoti. O'quv qo'llanma. Toshkent. 2021.-352 b.
5. <http://hozir.org>
6. <http://www.tdpu.uz>